

鑑不付与政廳
開平筆雨 翠


命草錄詩合刊

陳序

警予雲聲二同學合刊甲子雜詩百首屬序於予予受讀之竟喜其行間璀璨聲情沈烈若元宵野望腦海心潮曉風長夜晚虹重陽虎溪萬石大風雨四花吟席上吟諸什於定盦詩爲近天下震矜定盦詩謂其變化從心全乎神者二君齒少才銳充其所學當可入神璀璨沈烈云乎哉抑朱竹垞有言七絕至境須要詩中有魂入神二字未足形容其妙引此與二君共勗俾知此道之難別開生面存

隨天付與廬簫閣甲子雜詩合刊

乎其人丙寅秋分日思明陳桂琛識於勵志學校





李序

蘇謝二生均深於情余嘗許其可與言詩蓋詩以抒情詩人情繫於物詞緣以生時而悱惻纏綿時而蒼涼激楚固有矯之而弗克自異遏之而弗克自休者讀者即其詞可以覘其情之所在斯編都截詩百而感物懷人之作特多用情之篤不愧詩人詩自有足多者抑往者蘇生作沐猴圖謝生作自壽詩海內詞壇咸以佳什投贈同氣之求同聲之應有如此斯編出將交遊益廣切磋益宏詩境必視

隨天付與蘆簫閣甲子雜詩合用

此益進斯編又其左券矣丙寅秋日思明李禧繡伊甫序
於競存學校

題詞

蘇眇公

定公己亥雜詩後作者如林殊曰科學我者死板橋
語學龔省病將奈何獨有蘇謝兩學士能追晞髮學
東坡

隨天付與廬甲子雜詩

南安蘇 甦 警予

黯淡愁雲把月遮
禁城無復鬧家家
長春樹上繁華歇
不放銀花放雨花

元宵遇雨

者番燕語又鶯啼
婉妙聲傳綠柳堤
枕上渾疑身是夢
晴光已透小窗西

春雨連綿人天兩悶
今忽見晴喜書絕句

妙舌玲瓏意態悠
獻來江夏會冠簪
臨風一讀禰衡賦
芳艸洲前恨尙含

鸚鵡二首

不學呢喃梁燕語離諸色相悟禪參三生慧業留孤塔名
字千秋得竝譚

飛花片片清明至山上游人爭拾翠苦憶杏邨去路遙未
能沽酒一沈醉

清明

新塚纍纍戰血腥夕陽無語對山靈我來失却游春興忍
踐湖山一段青

踏青
感作

亦溫亦雅亦披昌舊日青蓮夢一場開遍西園歌舞地何
曾低首拜羣芳

軒甫以四花吟詩見示因和
四首皆寫懷之作也
筆花

銀塘塘畔吐芳時
傅粉何郎一問之
我是多愁多病者不

堪相對舊丰姿

鏡花

呈輝昔昔鬥芳妍
伴我書窗已十年
此老應知書味苦相

看不厭舊殘編

燈花

吐氣如虹貫日馳
當年干莫鑄雄雌
書生也有中原志戀

仗鷄聲起舞時

劍花

大江東去日西斜
縹綠藏青映晚霞
目斷煙波芳樹外淒

迷莫辨幾人家

江干晚眺

美雨歐風氣勢豪西來東漸灌吾曹分明腦裏寬如海湧

出新潮萬丈高

腦海

腔中方寸寬於海一水悠悠匯衆流起伏奔騰千百折興

潮不讓錢塘秋

心潮

閒窗靜對月光斜入耳歌聲出酒家三十功名餘涕洟不

堪傾聽後庭花

長夜聞歌感作

傳來花信逗芳蹤曲奏新聲唱懊儂落盡杏花吹盡絮五

更猶送送春鐘

曉風

笛聲吹徹月光斜
落魂纖痕印碧紗
最是無情鷄報曉
清

輝一別到天涯

殘月

少年奇氣挾風雷
嘯傲乾坤直上來
別有壯圖在懷抱
高

歌一發白雲開

少年

蕭森劍氣怒橫江
欲把龍蛇一一降
千莫後身豪氣在
光

芒萬丈逼銀釭

觀晚虹走筆書
此藉以寄慨

嵯峨萬石水雲封
澗底鳴泉激石淙
一覽亭中時極目
一覽

亭在象鼻峯
萬笏朝天處

海天壯闊豁塵胸

軒甫佩真雲聲以游萬
石巖詩見示因和三首

避秦偶到桃源路

巖旁有小桃源洞

上有鷓鴣啼不住

中岩在萬石岩上一

名鷓鴣岩

鄭氏當年名未成讀書林壑養清趣

中岩之上舊爲鄭氏讀書處

朝天石笏出塵凡絕壁磨崖大字嵌各有高山流水志

前岩

石上鐫流水高山四大字

可無詩句勒名巖

沈冤料不闔雙眸三十功名一死休誰分婦人杯酒勸千

秋幽恨應長留

亡友柯賢英死兩年矣停柩未埋冤沈大海作詩挽之時六月二十四日也

聰明竟被聰明誤情裏生涯了一生大夢可憐迷未覺風流錯鑄已眞成

未能懺悔酒中狂孤負良言藥石方今日持杯喉哽塞恩
仇未報總心傷

西風料峭掠斜陽寂寞孤墳宿艸黃積蘇碑文留姓氏年

年風雨總淒涼

展亡友黃
棟梁墓

沙蟲一例委塵埃猿鶴何曾展霸才痛哭南天烽火遍血

潮滾上大江來

江浙戰
事感作

流水行雲縹緲身名山古刹有斯人縱然夜月敲殘後冷

被袈裟逐輓塵

贈義通
和尚

從王百戰皆無敵逐鹿中原千里騰末路多歧負知己誤

將蹄鐵印陰陵

有詠項王與虞姬之詩而獨無有詠其騷者爰筆作此

何因識字又耽吟弱質飄零苦自侵縱不讀書還自好隨

奴較勝抱綢衾

讀邵飛飛本事四首

卅首詩傳哀怨音香魂旋化影銷沈小西湖水聲鳴咽擣
碎家家浣女砧

聰明誤汝是天心尙有新詩百代吟金屋綠牕多少恨無
人窺見淚痕深

誰家母子不關心嫁女當年喜不禁
應悔却受千金

素魄騰精泛碧波平分秋色影婆娑
今宵坐對團圓月已

是當頭卅載過

中秋雜詠同雲聲
碧海作坐月

覽物恰逢秋半夜懷人正值月三更
相思兩地愁何限各
寫新詩寄性情

懷人

明月清風處處同一杯醉我過秋中
閒愁幾許應消却魄

磊填胸盡化虹

對酒

清音遙引上青霄愁絕天心月下簫誰分玉人感哀怨秋

風淒咽子胥潮

聞簫

登高東望古神州舒卷風雲大地浮鷄犬無分人鬼竝不

堪回首五湖秋

九日登高感作

籬下黃花正燦然題糕筆寫彩雲牋早君一日逢初度細

數多君已六年

次均雲聲重陽廿五初度述懷四首

扶持直道證蓬麻且把秋光遣物華簪起吟肩成傲骨不妨冷豔看黃花

靈肅閣上卷簾遲
幼婦新詞擅色絲
鬥角鉤心爭巧思
勞
他人海費頤支

世事紛紜莫怨嗔
携將尊酒話良辰
相期來月嶺頭望
指
點梅花已放春

孫郎年少耽絲竹
流水高山獨寫心
譜到求凰絃正續
精

七絃琴近
方續娶
香閨原自有知音
贈係祿銘
醫士二首

濁世何當隱杏林
活人人自感婆心
一編未肯青秘囊
著

溫病要訣
一書行世
海內爭傳有道音